



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE RAADSAAL, MALMESBURY OP WOENSDAG, 18 FEBRUARIE 2026 OM 10:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdd J M de Beer

Lede van die Burgemeesterskomitee:

Rdl D G Bess
Rdl N Smit
Rdh T van Essen
Rdl A K Warnick

Beamptes:

Munisipale Bestuurder, mnr J J Scholtz
Direkteur: Finansiële Dienste, mnr M Bolton
Direkteur: Siviele Ingenieursdienste, mnr L D Zikmann
Direkteur: Elektriese Ingenieursdienste, mnr T Möller
Direkteur: Ontwikkelingsdienste, me J S Krieger
Direkteur: Korporatiewe Dienste, me M S Terblanche
Senior Bestuurder: Wetstoepassing- en Verkeersdienste, mnr R Steyn
Bestuurder: Sekretariaat en Rekordsdienste, me N Brand

1. OPENING

Die voorsitter verwelkom lede en versoek rdl D G Bess om die vergadering met gebed te open.

2. VERLOF TOT AFWESIGHEID

Kennis geneem van die verskonings ontvang vanaf die Direkteur: Beskermingsdienste, mnr H Witbooi en die Speaker, rdh M A Rangasamy.

3. VORLEGGINGS/AFVAARDIGINGS/SPREEKBEURTE

Geen.

4. NOTULES

4.1 NOTULE VAN 'N GEWONE VERGADERING VAN DIE UITVOERENDE BURGEMEESTERSKOMITEE GEHOU OP 21 JANUARIE 2026

BESLUIT

(op voorstel van rdl N Smit, gesekondeer deur rdh T van Essen)

Dat die notule van 'n Gewone Uitvoerende Burgemeesterskomiteevergadering gehou op 21 Januarie 2026 goedgekeur en deur die Uitvoerende Burgemeester onderteken word.

5. OORWEGING VAN AANBEVELINGS UIT DIE NOTULES

5.1 NOTULE VAN PORTEFEULJESKOMITEESVERGADERINGS GEHOU OP 11 FEBRUARIE 2026

5.1.1 MUNISIPALE BESTUUR, ADMINISTRASIE EN FINANSIES (7/1/2/2-1)**BESLUIT**

(op voorstel van rdl D G Bess, gesekondeer deur rdh T van Essen)

Dat die Uitvoerende Burgemeester die aanbevelings in die betrokke notule bekragtig.

5.1.2 SIVIELE EN ELEKTRIESE DIENSTE (7/1/2/2-4)**BESLUIT**

(op voorstel van rdl D G Bess, gesekondeer deur rdh T van Essen)

Dat die Uitvoerende Burgemeester die aanbevelings in die betrokke notule bekragtig.

5.1.3 ONTWIKKELINGSDIENSTE (7/1/2/2-5)**BESLUIT**

(op voorstel van rdl D G Bess, gesekondeer deur rdh T van Essen)

Dat die Uitvoerende Burgemeester die aanbevelings in die betrokke notule bekragtig.

5.1.4 BESKERMINGSDIENSTE (7/1/2/2-3)**BESLUIT**

(op voorstel van rdl D G Bess, gesekondeer deur rdh T van Essen)

Dat die Uitvoerende Burgemeester die aanbevelings in die betrokke notule bekragtig.

6. SAKE VOORTSPRUITEND UIT DIE NOTULES

Geen.

7. NUWE SAKE**7.1 WYSIGINGS AAN DIE 2025/2026 DIENSLEWERING- EN BEGROTING-IMPLEMENTERINGSPLAN (SDBIP (2/4/2))**

Artikel 54(1)(c) van die Wet op Munisipale Finansiële Bestuur (Wet 56 van 2003) bepaal dat die SDBIP oorweeg en, indien nodig, gewysig moet word na goedkeuring van 'n aansuiweringsbegroting.

Die Munisipale Bestuurder bevestig dat die SDBIP gewysig is ooreenkomstig die 2025/2026 Aansuiweringskapitaal- en bedryfsbegroting soos goedgekeur deur die Raad op 29 Januarie 2026 ten einde te verseker dat die Munisipaliteit se goedgekeurde begroting ooreenkomstig die SDBIP geïmplementeer word.

BESLUIT

(op voorstel van rdl N Smit, gesekondeer deur rdl A K Warnick)

Dat die gewysigde Dienslewering- en Begrotingimplementeringsplan (SDBIP) vir die 2025/2026 finansiële jaar in terme van Artikel 54(1)(c) van die Wet op Munisipale Finansiële Bestuur (Wet 56 van 2003) goedgekeur word.

7.2 MUNISIPALE BEPLANNINGSDOKUMENT VIR VOORLOPIGE DIENSTE EN KWESSIES INSAKE MENSLIKE NEDERSETTINGS INGEVOLGE DIE RAAD SE NEDERSETTINGSPLAN (17/4/2/B)

Die Direkteur: Ontwikkelingsdienste bevestig dat die Raad se Nedersettingsplan (behusingpyplyn) jaarliks aan die Uitvoerende Burgemeesterskomitee voorgelê word en dien as 'n beplanningdokument.

7.2/...

Een van die doelwitte van die plan is om die befondsing wat beskikbaar gestel word deur Provinsie in die meerjarige begroting op te neem. Dit kan egter gebeur dat, weens 'n besnoeiing van die befondsing deur Provinsie, al die behuisingsprojekte nie sal realiseer nie. Vir hierdie rede is dit ook nie moontlik om behuisingsprojekte buite die meerjarige begroting, soos versoek deur rdh T van Essen, te identifiseer nie.

'n Verslag insake die hantering van bekostigbare behuising (o.a. GAP-behuising) sal in April aan die komitee voorgelê word met die uitdagings wat ondervind word.

BESLUIT

(op voorstel van rdl D G Bess, gesekondeer deur rdd J M de Beer)

- (a) Dat die aangepaste munisipale beplanningsdokument soos voorgelê, deur die Uitvoerende Burgemeesterskomitee aanvaar word;
- (b) Dat kennis geneem word dat die voorgestelde projekte slegs 'n beplanningsdokument is, en onderworpe is aan die beskikbaarheid van fondse, geskikte grond en grootmaatsdienste binne die onderskeie dorpe. Indien voldoende fondse nie beskikbaar is nie, kan projekte moontlik aangeskuif word na toekomstige finansiële jare;
- (c) Dat die Raad verder kennis neem dat die eerste fase vir die konstruksie van wonings ten opsigte van De Hoop (166) Fase 2 Behuisingsprojek, Darling (139) Behuisingsprojek en Moorreesburg (280) Behuisingsprojek teen einde Junie 2026 voltooi sal word;
- (d) Dat kennis geneem word dat die tweede fase van De Hoop (413) Behuisingsprojek en Moorreesburg (373) Behuisingsprojek teen einde Junie 2027 voltooi sal word;
- (e) Dat verder kennis geneem word dat Swartland Munisipaliteit tans besig is met die beplanningsproses in terme van die Darling (394) Fase 2 Behuisingsprojek.

7.3 DIE SWARTLAND KLIMAATSVERANDERINGSPLAN, 2025 (15/4/1)

Die Swartland Klimaatsveranderingsplan word voorgelê in terme van die Wet op Klimaatsverandering (2024), die Nasionale Klimaatsverandering-Reaksiebeleid (2011) en die Wes-Kaapse Klimaatsverandering-Reaksiestrategie (2022).

'n Toename in klimaatverwante risiko's word reeds ervaar deur droogtes, hoë temperature, vloede, veldbrande, afname in biodiversiteit, kus-erosie en die gepaardgaande druk op infrastruktuur en dienslewering. Daarom bevat die plan die relevante opgedateerde vooruitskattings, evaluering van sektorale sensitiwiteit tot klimaatsverandering en die ingrypings wat nodig is deur die Munisipaliteit om veerkragtigheid in die geraakte sektore te bewerkstellig.

Die Munisipale Bestuurder noem dat dit 'n statutêre verpligting is om 'n Klimaatsveranderingsplan op te stel en sal dit hanteer word as 'n sektorale plan tot die Geïntegreerde Ontwikkelingsplan (GOP).

BESLUIT

(op voorstel van rdl A K Warnick, gesekondeer deur rdl D G Bess)

- (a) Dat die Swartland Klimaatsveranderingsplan (2025) as die amptelike munisipale raamwerk vir klimaatsaanpassing en -mitigering, goedgekeur word;
- (b) Dat kennis geneem word van die belyning van die Plan met die GOP (Geïntegreerde Ontwikkelingsplan), ROR (Ruimtelike Ontwikkelingsraamwerk), nasionale wetgewing en provinsiale klimaatsriglyne;
- (c) Dat kennis geneem word dat die integrasie van die Plan se aksies in die jaarlikse begrotings geakkommodeer sal word, onderhewig aan finansiële bekostigbaarheid;

7.3/...

- (d) Dat die ontwikkeling van 'n Monitorings- en Evaluasieraamwerk, om vordering te monitor en aanspreeklikheid te verseker, goedgekeur word;
- (e) Dat kennis geneem word dat die Departement Ontwikkelingsdienste jaarliks oor die vordering verslag sal doen en dat die Plan elke vyf jaar hersien sal word.

7.4 VOORGESTELDE EENRIGTING-VERKEERSVLOEI VANAF 9DE STRAAT TOT 8STE STRAAT, BEACHWEG, YZERFONTEIN (16/5/B)

Die Munisipaliteit het verskeie klagtes ontvang vanaf lede van die publiek, die Yzerfontein Inwonersvereniging en besigheidseienaar oor die volgehoue verkeers-opeenhopings tussen 8ste en 9de Straat in Beachweg, Yzerfontein. Saam met die klagtes is daar ook voorstelle tot verbetering in die verkeershantering ontvang.

Die Direkteur: Siviele Ingenieursdienste noem dat 'n verkeersimpakstudie onderneem is deur 'n spesialis verkeersingenieur wat ook die voorstelle oorweeg het en 'n deeglike studie gedoen het om die opsies op die tafel te plaas.

Daar is bevind dat die omskepping van Beachweg in 'n eenrigtingstraat tussen 8ste en 9de Straat en die formalisering van die parkeeruitleg verkeershantering aansienlik sal verbeter.

BESLUIT

(op voorstel van rdh T van Essen, gesekondeer deur rdl A K Warnick)

- (a) Dat kennis geneem word van die behoefte wat deur verskeie belanghebbendes geïdentifiseer is vir die verbetering van verkeersvloei langs Beachweg tussen 8ste- en 9de Straat, Yzerfontein.
- (b) Dat daar kennis geneem word van die inhoud van die ondersoek deur die verkeersingenieurs, ITS Global, in hul verslag met verwysing **4636.3** gedateer **15 September 2025**;
- (c) Dat kennis geneem word van die aanbeveling vir verbetering, dat Beachweg tussen 8ste- en 9de Straat verander word na 'n eenrigtingstraat in die rigting van 9de Straat na 8ste Straat;
- (d) Dat 9de- en 8ste Straat tweerigtingstrate bly;
- (e) Dat kennis geneem word van die insette en kommentaar wat ontvang is ná die openbare deelnameproses, en verder dat daar een beswaar, een neutrale inset en vyf ten gunste was;
- (f) Dat die wysiging om Beachweg tussen 8ste- en 9de Straat te verander na 'n eenrigtingstraat in die rigting van 9de Straat na 8ste Straat, goedgekeur word.

7.5 VOORGESTELDE VERHURING VAN NYWERHEIDSGROND TE MOORREESBURG VIR AKKERBOUDOELEINDES (12/2/5/2-9/2)

Die Munisipaliteit beskik oor ±17,7 ha grond in Moorreesburg wat aan die Koringbedryfmuseum verhuur word. Die huurtermyn verstryk op 30 April 2026.

Daar word voorgestel dat 'n openbare mededingingsproses weer deurloop word om die grond vir akkerboudoeleindes beskikbaar te stel ten behoeve van of aan 'n plaaslike weldaadsorganisasie.

BESLUIT

(op voorstel van rdh T van Essen, gesekondeer deur rdd J M de Beer)

- (a) Dat goedkeuring verleen word dat voorstelle ingewin word vir die verhuring van 'n gedeelte (groot ± 17.7 ha) van erf 1133, Moorreesburg vir 'n periode wat nie twaalf maande oorskry nie, met ingang vanaf 1 Mei 2026;

7.5/...

- (b) Dat voorstelle ingewin word op die basis en voorwaardes soos vervat in die konsep kennisgewing in Aanhangsel B tot die verslag;
- (c) Dat die Munisipale Bestuurder met volmag bekleed word om, indien dit nodig geag word, 'n komitee aan te wys om die voorstelle wat ontvang word te oorweeg en 'n toekenning te maak in oorlegpleging met die betrokke wyksraadslid;
- (d) Dat die Direkteur: Korporatiewe Dienste met volmag bekleed word om die inhoud van die huurooreenkoms te finaliseer, asook die ondertekening daarvan.

7.6 AFSKRYWING VAN ONINVORDERBAAR EN ANDER SKULD, JANUARIE 2026 (5/7/3)

Die aangehegte skedules toon die uitstaande bedrae wat as oninvorderbaar geklassifiseer word, naamlik

- Skedule A – afskryfbaar ten opsigte van deernishoudings = R9 626 081,16
- Skedule B – afskryfbaar ten opsigte van uitstaande debiteure = R4 137 078,35.

Rdh T van Essen wys daarop dat tussen 75% en 80% van slegte skuld afgeskryf word ten opsigte van gebiede waar Eskom die elektrisiteitsvoorsiener is, m.a.w. waar die Munisipaliteit nie kredietbeheer kan toepas nie. Verder betaal die Munisipaliteit vir 'n 20% waterverlies en onwettige vullisstortings wat nie in berekening gebring is nie.

Die Direkteur: Finansiële Dienste noem dat alle pogings gefaal het om met Eskom te skakel of ooreenkomste aan te gaan om dit moontlik te maak om kredietbeheer toe te pas in gebiede waar e.g. die elektrisiteitvoorsiener is.

BESLUIT

(op voorstel van rdh T van Essen, gesekondeer deur rdl N Smit)

- (a) Dat die Uitvoerende Burgermeesterskomitee goedkeuring verleen dat die bedrag van **R9 626 082,16** ten opsigte van deernishuishoudings, afgeskryf word as oninvorderbaar;
- (b) Dat die Uitvoerende Burgermeesterskomitee goedkeuring verleen dat die bedrag van **R4 137 078,35** ten opsigte van ander uitstaande debiteure, afgeskryf word as oninvorderbaar;
- (c) Dat, indien dit vanaf datum van hierdie goedkeuring aan die lig kom dat 'n gedeelte van die skuld of die totale skuld van 'n debiteur nie korrek sou wees nie, of dat enige inligting wat op datum van afskrywing nie aan die Uitvoerende Burgermeesterskomitee bekend was wat daartoe sou lei dat die komitee die voorgelegde skuld nie vir afskrywing sou oorweeg nie, die Uitvoerende Burgermeesterskomitee die reg voorbehou om die skuld weer terug te skryf na die betrokke debiteur en dat die nodige stappe geneem sal word om die skuld in te vorder;
- (d) Dat, indien 'n eiendom op welke wyse ookal vervreem sou word, die Raad die reg voorbehou om uitklaring op die betrokke eiendom te weerhou en die bedrae afgeskryf eers in te vorder, alvorens uitklaring op die betrokke eiendom gegee sal word. Ten einde uitvoering aan hierdie besluit te gee, is 'n register by die eiendomsbelastingafdeling ingestel waarin gekontroleer word of daar ten opsigte van die betrokke uitklaring vir die voorafgaande twee jaar voor uitklaring, enige afskrywing was, en dat indien wel, die afgeskryfde bedrag met die uitklaring verhaal word;
- (e) Dat verder goedkeuring verleen word dat lopende heffings wat nie by die bestaande lys bygewerk is nie, vanweë die tydsverloop van wanneer die administratiewe proses van genoemde afskrywingslys begin is en die tydperk daarna, ook deel van die afskrywings sal wees, onderhewig daaraan dat die Kredietbeheerafdeling oortuig is dat die nuwe skuld onder dieselfde omstandighede ook oninvorderbaar is;

(f)/...

7.6/...

- (f) Dat verder goedkeuring verleen word dat die bedrae wat aan die Raad verskuldig is, wat op datum van hierdie Item nie by die bestaande lys bygewerk is nie, as gevolg van sosio-ekonomiese ondersoeke wat nog nie kon plaasvind aan al die deernishuishoudings nie, ook deel van die afskrywings sal wees, onderhewig daaraan dat die Kredietbeheerafdeling oortuig is dat die nuwe skuld onder dieselfde omstandighede ook oninvorderbaar is;
- (g) Dat die werklike bedrag afgeskryf, nadat hierdie voorlegging aan die Uitvoerende Burgemeesterskomitee gemaak was, weer tydens die volgende vergadering voorgelê sal word;
- (h) Dat enige BTW op dienste gehef op die gebruikelike manier vanaf die Ontvanger van Inkomste teruggeëis word;
- (i) Dat die Kredietbeheerafdeling poog om besoeke aan die deernishuishoudings te bring, ten einde die afskrywing te verduidelik en die implikasie van toekomstige verpligtinge van 'verantwoordelike verbruikers' aan hulle duidelik te maak, asook om die installering van 'n waterbeheermeganismestelsels en die werking daarvan aan die deernishuishoudings te verduidelik, ten einde voorkomende Kredietbeheer toe te pas;
- (j) Dat verdere goedkeuring verleen word dat die kostes met betrekking tot die vervanging van die konvensionele elektrisiteitsmeter deur 'n voorafbetaalde elektrisiteitsmeter, deur die munisipaliteit gedra word en dat die Hoof Finansiële Beampte die kostes van die Deernistoekenning sal verhaal;
- (k) Dat die Uitvoerende Burgemeesterskomitee kennis neem van toekomstige pogings om aansluitings te beperk in 'n poging om verbruikers te dwing om die nodige dienste aansluitings te kom teken.

7.7 UITSTAANDE DEBITEURE: JANUARIE 2026 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

BESLUIT

(op voorstel van rdl N Smit, gesekondeer deur rdl A K Warnick)

Dat kennis geneem word van die verslag aangaande die stand van Swartland Munisipaliteit se uitstaande debiteure vir Januarie 2026.

7.8 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

BESLUIT

Dat kennis geneem word van die stand van uitstaande versekeringseise tot en met 31 Januarie 2026 soos met die sakelys gesirkuleer.

7.9 AFWYKING VAN VOORGESKREWE VERKRYGINGS-PROSEDURES: VERKRYGING VAN DIENSTE VANAF RATINGS AFRIKA (MFSI) (8/1/B/2)

RATINGS AFRIKA is die alleenverskaffer van munisipale graderings deur die gebruik van die MFSI™ (*Municipal Financial Sustainability Index*) graderingsmodel. Hierdie model lewer 'n uitgebreide ontleding van die finansiële volhoubaarheid van munisipaliteit wat deur die Direkteur: Finansiële Dienste gebruik word as bestuurs-inligtingsmiddel vir die opstel van begrotings.

BESLUIT

- (a) Dat kennis geneem word van die afwyking van die voorgeskrewe verkrygings-

- 7.9/... prosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die aanstelling van RATINGS AFRIKA volgens spesifieke uitkomst, beperk tot die dienste gespesifiseer in die kwotasie ten bedrae van R90 000,00 (BTW uitgesluit);
 - (c) Dat verder kennis geneem word dat, in terme van paragraaf 36(1)(a)(ii) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien RATINGS AFRIKA kwalifiseer as 'n alleen diensverskaffer;
 - (d) Dat die uitgawe ten bedrae van R90 000,00 (BTW uitgesluit) teen posnommer 9/209-496-888 verreken word en dat daar voldoende fondse beskikbaar is;
 - (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.10 AFWYKING VAN VOORGESKREWE VERKRYGINGSPROSEDURES: HERSTEL VAN BRANDSTOFFPOMP, UD 290WF VRAGMOTOR, CK 14612 (8/1/B/2)

Die rioolvragsmotor, CK 14612, word in die Swartland munisipale area gebruik vir die uitsuig van rioolopgaartenke.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die brandstofpomp, UD 290WF Vragmotor, CK 14612 deur UD Trucks Malmesbury ten bedrae van R49 580,00 (BTW uitgesluit);
- (c) Dat verder kennis geneem word dat, in terme van paragraaf 2(6)(d) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien UD Trucks Malmesbury die gemagtigde agent van UD Trokke is;
- (d) Dat die uitgawe ten bedrae van R49 580,00 (BTW uitgesluit) teen posnommer 9/4-8-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.11 AFWYKING VAN VOORGESKREWE VERKRYGINGSPROSEDURES: HERSTEL VAN SUIGTENK OP UD CW26 370FC VRAGMOTOR, CK 12625 (8/1/B/2)

Die rioolvragsmotor, CK 12625, word in die Swartland munisipale area gebruik vir die uitsuig van rioolopgaartenke.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die suigtenk op UD CW26 370FC Vragmotor, CK 12625 deur UD Trucks Malmesbury ten bedrae van R107 160,00 (BTW uitgesluit);
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) die lewering van 'n riooldiens word drastiek geraak indien die vragmotor buite werking is;

7.11(c)/...

- (ii) voormelde het 'n gepaardgaande negatiewe effek op die omgewing en die lewering van essensiële dienste;
- (d) Dat die uitgawe ten bedrae van R107 160,00 (BTW uitgesluit) teen posnommer 9/4-41-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.12 AFWYKING VAN VOORGESKREWE VERKRYGINGSPROSEDURES: HERSTEL VAN LUGREËLAARPOMP OP DIE CATERPILLAR WHEELED LOADER, CK 43236 (8/1/B/2)

Die CAT-laaigraaf, CK 43236, word in die Strate- en Stormwaterafdeling in Malmesbury gebruik.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die lugreëlaarpomp op die Caterpillar Wheeled Loader, CK 43236 deur Barloworld Equipment ten bedrae van R39 103,08 (BTW uitgesluit);
- (c) Dat verder kennis geneem word dat, in terme van paragraaf 2(6)(d) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Barloworld Equipment die gemagtigde agent van Caterpillar-masjiene is;
- (d) Dat die uitgawe ten bedrae van R39 103,08 (BTW uitgesluit) teen posnommer 9/7-13-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.13 AFWYKING VAN VOORGESKREWE VERKRYGINGSPROSEDURES: HERSTELWERK AAN KOMPAKTEERVFRAGMOTOR, CK 34173 (8/1/B/2)

Die vulliskompakteervragmotor, CK 34173, word in Malmesbury, Riebeek Kasteel en Riebeek-Wes gebruik vir die verwydering van vullis.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstelwerk aan die Kompakteervragmotor, CK 34173 deur Transtech ten bedrae van R58 474,47 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Transtech die gemagtigde agent van Heil-kompakteerders is;
- (d) Dat die uitgawe ten bedrae van R58 474,47 (BTW uitgesluit) teen posnommer 9/4-68-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as

nota by die finansiële state in te sluit, wanneer die betrokke state opgestel word.

7.14 SWARTLAND MUNISIPALITEIT: 2026 HERSIENDE BESIGHEIDKONTINUÏTEIT- EN RAMPHERSTELPLAN (17/5/1/1)

Die doel van die Besigheidkontinuiteit- en Rampherstelplan is om die Munisipaliteit voor te berei op uitgebreide diensonderbrekings en om dienslewering so spoedig moontlik te herstel.

BESLUIT

(op voorstel van rdl D G Bess, gesekondeer deur rdl A K Warnick)

- (a) Dat kennis geneem word van die wysigings aangebring ter hersiening van die Besigheidkontinuiteit- en Rampherstelplan;
- (b) Dat die hersiende 2026 Swartland Besigheidkontinuiteit- en Rampherstelplan goedgekeur word.

7.15 HERSIENING VAN DIE HOOF MUNISIPALE RAMPBESTUURSPLAN VAN SWARTLAND MUNISIPALITEIT (17/5/1/1)

Die Direkteur: Beskermingsdienste bevestig dat die voorlegging van die Rampbestuursplan vir Swartland dien as hersiening van kontakbesonderhede van die onderskeie rolspelers en identifisering van risiko's vir die munisipale gebied.

Die bestaande hoof risiko's vir die Swartland munisipale gebied is en bevat die plan risikovermindering- en gebeurlikheidsplanne:

- Beurtkrag
- Uitheemse Indringer Plantspesies
- Onderbrekings in watervoorsiening
- Vloede
- Seismiese aktiwiteite
- Veldbrande
- Diersiektes
- Dienslewering Protesaksies
- Covid-19
- Droogte

BESLUIT

(op voorstel van rdl A K Warnick, gesekondeer deur rdl D G Bess)

- (a) Dat kennis geneem word van die inhoud van die 2026 hersiende Rampbestuursplan asook die instemming van al die departemente om as deel van hul daaglikse take aandag te gee aan ramprisiko vermindering;
- (b) Dat die 2026 hersiende Rampbestuursplan vir die Swartland Munisipale area goedgekeur word met die onderneming dat die plan jaarliks hersien sal word om sodoende seker te maak dat die inhoud relevant en op datum is;
- (c) Dat, soos voorgeskryf deur die Rampbestuurswet, 'n afskrif van die goedgekeurde hersiende plan voorsien word aan die Weskus Rampbestuursentrum, Provinsiale Rampbestuursentrum asook die Nasionale Rampbestuursentrum.

**(GET) J H CLEOPHAS
UITVOERENDE BURGEMEESTER**